



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

34. De decem leprosis.

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

turba ad audiendum Christum concurreret. Nec fuit inobediens, quia instinctu boni Spiritus fecit, & talis prohibitio est declinatio laudis, non præceptio obligans.

MEDITATIO XXXIV.

De decem leprosis. Luc. 17.

PUNCTUM PRIMUM.

Luc. 17. 12. **O** Ratio leproforum. 1. *Steterunt à longè: humilitatis & reverentiæ affectus: sed & servitutes* vârunt, quod jubebantur, segregari ab aliis. 2. *leproforum. Levâverunt vocem dicentes: Iesu præceptor miserere nostri, ex fide, & cum resignatione, non speciatim petentes: sana nos, sed, miserere.* Et erant unanimiter, quod valet ad impetrandum, quia omnes pro singulis. *Orate pro invicem, multum enim valet deprecatio iusti assidua.* Apud homines solent mendici vitare, ne simul petant plures, quia offendunt, & non suppetit omnibus: Deo autem placet conjunctio precum, nec deficit ideo thesaurus gratiæ. Leprosi decem signant peccatores, ob transgressionem decem præceptorum. *Domine, sicut hætenùs fuit sensus meus, ut errarem à te, decies tamen iterum convertar, ut requiram te.*

PUNCTUM II.

Obedientia intellectus **C**hristus remittit leprosos ad Sacerdotes. *Quos ut vidit Iesus, dixit: Ite, ostendite vos Sacer-*

Sacerdotibus. Initium salutis, quòd Deus misericorditer respiciat: & vidit etiam eorum fidem: *Luc. 17. 14.* voluit autem obedientiam probare, ablegando ad Sacerdotes; quod alioqui non erat faciendum, nisi postquam mundati essent. Illi etiam dum simpliciter obediunt, ac eunt, *mundati sunt.* *Gen. 22.* Tanti facit simplicis obedientiam, qualis etiam fuit Abrahæ, ad immolandum filium parati. Hæc missio Leprosorum, antequam mundarentur, significavit Confessionem sacramentalem; in qua aperienda est Sacerdoti omnis immunditia, quamvis occulta. Contingit autem mundari interdum, quia voluntas apud Deum pro facto reputatur, & votum Sacramenti cum contritione delet peccata, etsi nihilominus facienda est confessio. Nec debet homo averfari labes conscientiaë aperire homini, quando Deo notæ sunt.

Apratio ad sacrâ Confessionem.

PUNCTUM III.

UNUS tantùm ex novem recognoscit beneficium. Ita fit, ut cùm in necessitate plerique ad Deum recurrant, & devoti sint, mox ea perfuncti, non recordentur beneficii. *Nonne decem mundati sunt: & novem ubi sunt?* & sæpe majores peccatores magis sunt grati, æstimantes suam indignitatem, ut modò, cùm solus alienigena Samaritanus rediit ad gratias agendas, in confusionem reliquorum novem, qui erant Iudæi; quod notavit Iesus: *Non est inventus qui rediret, & daret gloriam Deo, nisi hic alienigena.*

Ingrati plures.

Z 3

Discam,

Gratiarum actio post confessionem.

Christi modestia.

Discam, à confessione me colligere, ad gratias pro beneficio reconciliationis. Porro iste regressus est cum magna voce magnificans Deum. *Et cecidit in faciem ante pedes ejus, gratias agens.* Mirus affectus grati animi. Prudenter autem Christo dicente: *Et novem ubi sunt?* tacuit, nolens accusare alios, quod nos vulgò libenter facimus, simili occasione. Denique modestiam Christi mirare in redarguendo: *Et non est inventus, qui daret gloriam Deo:* non ait, *mibi.* Benignè autem Samaritanum complexus, ait illi: *Surge, vade, quia fides tua te salvum fecit, & est credibile à lepra etiam spirituali curasse illum.*

MEDITATIO XXXV.

De cæco apud Iericho. Luc. 18.

Matth. 20. Marc. 10.

PUNCTUM PRIMUM.

Cæci fides.

Luc. 13. 39.

Fervor. Constantia.

1.

2.

3.

Impedimenta orandi.

4.

PRecatio cæci. Plena fide & fiducia: *Iesu Fili David miserere mei!* Confitetur Messiam & potentem salvare. 2. Fervens, ingeminando: *Fili David, miserere mei.* 3. Constans adversus increpantes, *ut taceret.* Cogitabo, me cæcum esse, utroque oculo, cognitionis & amoris, cæcitate ignorantia, & passionis, ut apud Bernardum & sedere me otiosum, mendicando à creaturis solatia. Clamabo igitur ad Christum, ut iste: nec morabor obstrepentes, qui solent esse maximè quatuor. 1. Tumultus varia-